

## ხელშეკრულება N 17

სახელმწიფო შესყიდვის შესახებ

(ელექტრონული ტენდერი SPA190005746)

ქ. თბილისი

10 იანვარი 2020 წ.

საქართველოს სახელმწიფო უსაფრთხოების სამსახური (მის: ქ. თბილისი, 9 აპრილის ქ. N4, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 204584887), შემდგომში წოდებული „შემსყიდველად“, წარმოდგენილი ეკონომიკური დეპარტამენტის დირექტორის სერგო ჯანელიძის სახით და

მიმწოდებელი: შპს „სოფტმასტერ სერვისი“; საიდენტიფიკაციო კოდი: 404431897

მისამართი, ტელეფონი: ქ. თბილისი, აღმაშენებლის 172; ტელ: 593118119

დირექტორი: ალექსანდრე ჭიპაშვილი

საბანკო რეკვიზიტები: ს.ს „საქართველოს ბანკი“ ბანკის კოდი: BAGAGE22; ანგარიში: GE74 BG00 0000 0290 1581 00

ორივე ერთად აღიარებული, როგორც „მხარეები“, ვმოქმედებთ რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე ხელშეკრულებას:

### 1. გამოყენებული ტერმინების განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება“ - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ - კალენდარული დღე, კვირა, თვე.
- 1.4 „შემსყიდველი“ - ორგანიზაცია, რომელიც ახორციელებს სახელმწიფო შესყიდვას.
- 1.5 „მიმწოდებელი“ - პირი, რომელიც ახორციელებს მომსახურების გაწევას ამ ხელშეკრულების ფარგლებში.
- 1.6 „მომსახურება“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.
- 1.6 „ტექნიკური დოკუმენტაცია“ - მიმწოდებლის მიერ SPA190005746 ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.

### 2. ხელშეკრულების საგანი

2.1 წინამდებარე ხელშეკრულების დანართი N1-ით და დანართი N2-ით განსაზღვრული სუს ობიექტებზე არსებული შლაგბაუმების, ტურნიკეტებისა, მეტალო დეტექტორებისა და გასაგორებელი რკინის ჭიშკრების ელექტრო-მექანიკური ძრავების მომსახურების შესყიდვა (CPV50711000).

### 3. ხელშეკრულების ღირებულება

- 3.1 ხელშეკრულების ღირებულება შეადგენს - 30 000.00 (ოცდაათი ათასი) ლარს.
- 3.2 პრეისკურანტის ღირებულება შეადგენს - 26 611.00 (ოცდაექვსი ათას ექვსას თერთმეტი) ლარს.
- 3.3 ხელშეკრულების ღირებულება მოიცავს გასაწევი მომსახურების ღირებულებას, წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

- 3.4 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

#### 4. მხარეთა ვალდებულებები

##### 4.1 მიმწოდებელი ვალდებულია:

- ა) შემსყიდველს გაუწიოს ხელშეკრულებით გათვალისწინებული მომსახურება **ხელშეკრულების გაფორმებიდან 2020 წლის 31 დეკემბრის ჩათვლით.**
- ბ) ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში, განიხილოს შემსყიდველის პრეტენზიები, მიაწოდოს მოტივირებული პასუხი ყველა საკითხზე და დაუყოვნებლივ უზრუნველყოს აღმოჩენილი ხარვეზის გამოსწორება;
- გ) განახორციელოს ამ ხელშეკრულებით მასზე დაკისრებული სხვა ვალდებულებები;
- დ) **მიმწოდებელი ვალდებულია შესრულებული სამუშაოს ამსახველი დოკუმენტაცია (დეფექტური აქტი, შემოწმების აქტი და ა.შ.) მიღება-ჩაბარების აქტის გაფორმების მიზნით წარმოადგინოს არაუგვიანეს საანგარიშო თვის მომდევნო თვის 15 რიცხვისა.**

##### 4.2 შემსყიდველი ვალდებულია:

- ა) აღნაზღაუროს გაწეული მომსახურების ღირებულება ხელშეკრულებით განსაზღვრულ ვადებში და ფორმით;
- ბ) უზრუნველყოს ხელშეკრულების შესრულების კონტროლი;
- გ) განახორციელოს ამ ხელშეკრულებით მასზე დაკისრებული სხვა ვალდებულებები.

#### 5. ხარისხი და გარანტია

- 5.1 ხელშეკრულებით გათვალისწინებული მომსახურების ხარისხი უნდა შეესაბამებოდეს დანართი N1-ით და დანართი N2-ით განსაზღვრულ ტექნიკურ პირობებს.
- 5.2 მიმწოდებლის მიერ განხორციელებულ მომსახურებაზე და თანმდევ სათადარიგო ნაწილებზე საგარანტიო ვადა ვრცელდება მიღება-ჩაბარების აქტის გაფორმებიდან 1 (ერთი) წელი.

#### 6. ხელშეკრულების შესრულების კონტროლი და მომსახურების მიღება-ჩაბარების წესი

- 6.1 შემსყიდველის მიერ მომსახურების გაწევის ვადების, ხარისხის და მოცულობის ხელშეკრულების მოთხოვნებთან შესაბამისობის დადგენა და ხელშეკრულების პირობების შესრულების კონტროლი განხორციელდება პერიოდულად, როგორც მომსახურების გაწევის დროს, ისე ამ ხელშეკრულების მოქმედების მთელი პერიოდის განმავლობაში.
- 6.2 ხელშეკრულების პირობების შესრულების კონტროლს განახორციელებს სუს ეკონომიკური დეპარტამენტის მატერიალურ-ტექნიკური უზრუნველყოფის მთავარი სამმართველოს ქონების მართვისა და ექსპლუატაციის სამმართველოს საკომენდანტო სამსახურის უფროსის მოადგილე ზაქარია იოსებაშვილი, ხოლო გაწეული მომსახურების მიღება-ჩაბარების აქტის გაფორმებას უზრუნველყოფს სუს ობიექტების შესაბამისი უფლებამოსილი პირი.
- 6.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი. უხარისხოდ გაწეული მომსახურების აღმოჩენისას მიმწოდებელი ვალდებულია წერილობითი შეტყობინებიდან **10 (ათი) დღის** განმავლობაში გამოასწოროს წუნი.
- 6.4 ობიექტური მიზეზით 6.3 პუნქტით განსაზღვრულ ვადაში წუნის გამოსწორების შეუძლებლობისა და შემსყიდველის მიერ გაწეული მომსახურების ღირებულების დროული ანგარიშსწორების შემთხვევაში, მიმწოდებელი ვალდებულია დაუბრუნოს შემსყიდველს აღნიშნული მომსახურების ღირებულება შემსყიდველის მიერ მითითებულ გონივრულ ვადაში.
- 6.5 შემსყიდველი უფლებამოსილია განაცხადოს უარი უხარისხო ან დაგვიანებით გაწეული მომსახურების ნაწილის ან მთლიანი მოცულობის მიღებაზე.
- 6.6 მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.
- 6.7 ამ მუხლის 6.2 პუნქტში მითითებული პირის მიერ მიღება-ჩაბარების აქტის ხელმოწერით, მომსახურების მიღებასთან ერთად დასტურდება ხელშეკრულების შესრულების კონტროლის განხორციელება.
- 6.8 იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს. აღნიშნული არ ჩაითვლება მიმწოდებლის მხრიდან ვადის გადაცილებად.

## 7. ანგარიშსწორება

- 7.1 ანგარიშსწორება განხორციელდება შემდეგი პირობებით:
- ა) ანგარიშსწორების ვალუტა - ლარი;
  - ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.
- 7.2 შემსყიდველი იღებს ვალდებულებას გადაუხადოს მიმწოდებელს გაწეული მომსახურების ღირებულება მიღება-ჩაბარების აქტის გაფორმებიდან და თანმდევი დოკუმენტაციის (საგადასახადო ანგარიშ-ფაქტურა) გამოწერიდან/წარმოდგენიდან **10 (ათი) სამუშაო დღის** განმავლობაში, ხოლო იმ შემთხვევაში თუ მიმწოდებლის მიმართ გამოყენებული იქნება მე-9 მუხლით განსაზღვრული საჯარიმო სანქციები, მიმწოდებლის მიერ აღნიშნული საჯარიმო თანხის გადახდიდან **10 (ათი) სამუშაო დღის** განმავლობაში.
- 7.3 **დაფინანსების წყარო: 2020 წლის სახელმწიფო ბიუჯეტი.**

## 8. ხელშეკრულების შესრულების შეფერხება

- 8.1 ხელშეკრულების შესრულების პროცესში იმ ხელისშემშლელი გარემოებების გამოვლენისას, რომელთა გამო ფერხდება ხელშეკრულების პირობების შესრულება, მხარეები დაუყოვნებლივ ატყობინებენ ერთმანეთს წერილობით შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღები მხარე ვალდებულია შეძლებისდაგვარად მოკლე დროში აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

## 9. ხელშეკრულების პირობების შეუსრულებლობა

- 9.1 წინამდებარე ხელშეკრულების 4.1 პუნქტის „ა“ ქვეპუნქტით გათვალისწინებული მომსახურების გაწევის ვადების გადაცილების შემთხვევაში ან 6.3 პუნქტით განსაზღვრული პირობების დარღვევისას, მიმწოდებელს ეკისრება პირგასამტეხლო, შესაბამისად ყოველ ვადაგადაცილებულ დღეზე, შეუსრულებელი ვალდებულების შესაბამისი ღირებულების **0.2%-ის** ოდენობით.
- 9.2 იმ შემთხვევაში თუ 9.1 პუნქტით გათვალისწინებული დარღვევებისათვის ვადაგადაცილებული დღეების რაოდენობა გადააჭარბებს 30 კალენდარულ დღეს, შემსყიდველი უფლებამოსილია მიმწოდებელს დააკისროს პირგასამტეხლო **ხელშეკრულების ღირებულების 5%-ის ოდენობით**.
- 9.3 შემსყიდველი უფლებამოსილია, მიმწოდებლის მხრიდან ხელშეკრულებით ნაკისრი ვალდებულებების არაჯეროვნად შესრულების ან ნაკისრ ვალდებულებებზე უარის თქმის შემთხვევაში, მიმწოდებელს დააკისროს ჯარიმა **ხელშეკრულების ღირებულების 5%-ის ოდენობით**.
- 9.4 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

## 10. ხელშეკრულებაში ცვლილებების შეტანა

- 10.1 ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების მიერ დადასტურებული ხელმოწერით.
- 10.2 წინასწარ გაუთვალისწინებელი მიზეზების გამო, ხელშეკრულების პირობების შეცვლის აუცილებლობის წარმოშობისას, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

## 11. დავების გადაწყვეტა

- 11.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.
- 11.2 თუ მოლაპარაკებით შემსყიდველი და მიმწოდებელი ვერ შეძლებენ სადავო საკითხის გადაწყვეტას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

## 12. ხელშეკრულების შეწყვეტა

- 12.1 შემსყიდველი უფლებამოსილია ხელშეკრულების ნებისმიერ ეტაპზე ან/და საქართველოს კანონმდებლობით დადგენილ სხვა შემთხვევებში, მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას და გამოიყენოს 9.3 პუნქტით გათვალისწინებული საჯარიმო სანქცია. აღნიშნულის შესახებ შემსყიდველი წერილობით აცნობებს მიმწოდებელს.
- 12.2 შემსყიდველის მიერ ხელშეკრულების ცალმხრივად შეწყვეტის შემთხვევაში შემსყიდველი პასუხს არ აგებს

ხელშეკრულების შეწყვეტის შედეგად გამოწვეული ზიანისათვის, გარდა საქართველოს კანონმდებლობით დადგენილი შემთხვევებისა.

12.3 ხელშეკრულება შეიძლება შეწყდეს მხარეთა წერილობითი შეთანხმების საფუძველზე.

12.4 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისგან.

### 13. ხელშეკრულების მოქმედების ვადა

13.1 წინამდებარე ხელშეკრულება ძალაში შედის ხელშეკრულებაზე ხელმოწერის დღიდან და მოქმედებს 2021 წლის 31 იანვრის ჩათვლით.

### 14. ფორს-მაჟორი

14.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

14.2 წინამდებარე ხელშეკრულებისთვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3 მხარემ, რომელსაც შეექმნა ფორს-მაჟორული გარემოება, ვალდებულია დაუყოვნებლივ აცნობოს მეორე მხარეს წერილობით შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

### 15. სხვა პირობები

15.1 ხელშეკრულება შედგენილია ელექტრონულად ქართულ ენაზე, რომელიც მხარეების მიერ დადასტურებულია ელექტრონული კვალიფიციური ხელმოწერით/შტამპით.

15.2 გასაწევ მომსახურებაზე პასუხისმგებელი პირების საკონტაქტო ინფორმაცია - სერვისის მენეჯერი: ნატა ახალკაციშვილი, ტელ: 595 22 22 36, მეილი - [n.akhalkatsishvili@softmaster.ge](mailto:n.akhalkatsishvili@softmaster.ge); ტექნიკური დირექტორი: სერგეი პეტროსიანი, ტელ: 599 56 22 35, მეილი - [sergei.petrosyan@sftmaster.ge](mailto:sergei.petrosyan@sftmaster.ge).

15.3 დავალება გაიცემა, როგორც სიტყვიერად, ასევე მითითებულ ელექტრონულ ფოსტაზე შეტყობინების გაგზავნის გზით;

15.4 ელექტრონულ ფოსტაზე შეტყობინების მიღების თარიღი ჩაითვლება შესასრულებელი დავალების გაცემის თარიღად;

15.5 შემსყიდველი უფლებამოსილია შეწყვიტოს მიმდინარე ხელშეკრულება, თუ მიმწოდებელზე გაგზავნილ იქნა ორი ან მეტი გამაფრთხილებელი წერილი, სადაც დაფიქსირებული იქნება მათ მიერ სამუშაოს არაჯეროვნად ან ვადაგადაცილებით შესრულების შემთხვევები.

ფასთა ცხრილი

შლაგბაუმების, ტურნიკეტების, მეტალო დეტექტორების, გვერდზე გასაგორებელი ერთფრთიანი რკინის ჭიშკრების ელექტრო-მექანიკური ძრავებისა და შუშის სლაიდ კარების ყოველთვიური მომსახურების და დაზიანების შემთხვევაში დეტალების შეცვლის ღირებულება (პრეისკურანტი)

| N                                             | დასახელება / მოდელი                | რაოდენობა<br>განზომილება | რაოდენობა | პრეტენდენტის მიერ<br>შემოთავაზებული ერთეულის<br>ღირებულება (ლარი) |
|-----------------------------------------------|------------------------------------|--------------------------|-----------|-------------------------------------------------------------------|
| <b>შლაგბაუმი CAME G2080Z / Motorline KBM6</b> |                                    |                          |           |                                                                   |
| 1                                             | ალუმინის მრგვალი ისარი 6მ სიგრძის  | ცალი                     | 1         | 858.85                                                            |
| 2                                             | ალუმინის მრგვალი ისარი 4მ სიგრძის  | ცალი                     | 1         | 831.26                                                            |
| 3                                             | ალუმინის ბრტყელი ისარი 6მ სიგრძის  | ცალი                     | 1         | 515.31                                                            |
| 4                                             | ალუმინის ბრტყელი ისარი 4მ სიგრძის  | ცალი                     | 1         | 493.06                                                            |
| 5                                             | ისრის საყრდენი                     | ცალი                     | 1         | 209.15                                                            |
| 6                                             | ისრის შემავსებელი                  | ცალი                     | 1         | 95.23                                                             |
| 7                                             | ისრის სანათი                       | მეტრი                    | 1         | 42.72                                                             |
| 8                                             | ისრის სანათის კაბელი               | ცალი                     | 1         | 50.73                                                             |
| 9                                             | ფოტოელემენტის წყვილი დიაპაზონი 10მ | ცალი                     | 1         | 183.34                                                            |
| 10                                            | ტრანსფორმატორი                     | ცალი                     | 1         | 117.48                                                            |
| 11                                            | რედუქტორი                          | ცალი                     | 1         | 892.67                                                            |
| 12                                            | რედუქტორის დიდი კბილანა            | ცალი                     | 1         | 163.76                                                            |
| 13                                            | რედუქტორის პატარა კბილანა          | ცალი                     | 1         | 127.27                                                            |
| 14                                            | ძრავი                              | ცალი                     | 1         | 977.22                                                            |
| 15                                            | ზამბარა 4 მეტრიანი ისრისთვის       | ცალი                     | 1         | 265.22                                                            |
| 16                                            | ზამბარა 6 მეტრიანი ისრისთვის       | ცალი                     | 1         | 276.79                                                            |
| 17                                            | გადაცემის მკლავი                   | ცალი                     | 1         | 72.09                                                             |
| 18                                            | მართვის პლატა                      | ცალი                     | 1         | 518.87                                                            |
| 19                                            | ავტომატური ბარიერის მაშუქა ციმციმა | ცალი                     | 1         | 152.19                                                            |
| 20                                            | ისრის დეკორატიული დამცავი          | ცალი                     | 1         | 129.05                                                            |
| 21                                            | ისრის პროფილირებული გარე სამაგრი   | ცალი                     | 1         | 95.23                                                             |
| 22                                            | ისრის შიდა საყრდენი ფირფიტა        | ცალი                     | 1         | 50.73                                                             |
| 23                                            | ისრის მოძრავი სამაგრი              | ცალი                     | 1         | 77.43                                                             |
| 24                                            | ისრის ღერძის საკისარი              | ცალი                     | 1         | 32.93                                                             |
| 25                                            | გამთიშველი                         | ცალი                     | 1         | 95.23                                                             |

|    |                                                                     |           |   |        |
|----|---------------------------------------------------------------------|-----------|---|--------|
| 26 | შლაგბაუმის (CAME) კორპუსი                                           | ცალი      | 1 | 1744.4 |
| 27 | შლაგბაუმის (CAME) კორპუსის ხუფი                                     | ცალი      | 1 | 270.56 |
| 28 | რადიო მიმღები                                                       | ცალი      | 1 | 117.48 |
| 29 | დისტანციური ღილაკი                                                  | ცალი      | 1 | 61.41  |
| 30 | მაგნიტური ველის ერთ არხიანი დეტექტორი                               | ცალი      | 1 | 219.83 |
| 31 | სტაციონარული მართვის ღილაკი                                         | კომპლექტი | 1 | 38.27  |
| 32 | შლაგბაუმის (Motorline KBM6) კორპუსი                                 | ცალი      | 1 | 902.46 |
| 33 | შლაგბაუმის (Motorline KBM6) კორპუსის კარი                           | ცალი      | 1 | 149.52 |
| 34 | შლაგბაუმის (Motorline KBM6) კორპუსის ხუფი                           | ცალი      | 1 | 360.45 |
| 35 | მაგნიტური კონტურის და ინფრაწითელი დეტექტორის დამაკავშირებელი მოდული | ცალი      | 1 | 40.05  |
| 36 | მაგნიტური კონტურის დეტექტორი                                        | ცალი      | 1 | 267    |

**გასაგორებელი ერთფრთიანი ჭიშკრის ძრავი CAME BK-1800 / Motorline OL-1500**

|    |                                     |           |   |        |
|----|-------------------------------------|-----------|---|--------|
| 1  | ძრავი                               | ცალი      | 1 | 512.64 |
| 2  | ამძრავი კბილანა                     | ცალი      | 1 | 109.47 |
| 3  | პლასტიკის კორპუსი                   | კომპლექტი | 1 | 360.45 |
| 4  | რედუქტორი                           | კომპლექტი | 1 | 395.16 |
| 5  | გამთიშველი                          | შეკვრა    | 1 | 89.89  |
| 6  | კონდენსატორი                        | ცალი      | 1 | 53.4   |
| 7  | რედუქტორის შიდა კბილანა             | ცალი      | 1 | 97.01  |
| 8  | ფიქსირებული გამთიშველი              | ცალი      | 1 | 73.87  |
| 9  | ტრანსფორმატორი                      | ცალი      | 1 | 123.71 |
| 10 | მართვის პლატა                       | ცალი      | 1 | 461.91 |
| 11 | კარზე სამაგრი ზოლოვანი კბილანა-ძელი | მეტრი     | 1 | 59.63  |
| 12 | ფოტოელემენტის საყრდენი              | ცალი      | 1 | 80.99  |
| 13 | ფოტოელემენტის წყვილი დიაპაზონი 10მ  | ცალი      | 1 | 182.45 |
| 14 | რადიო მიმღები                       | ცალი      | 1 | 116.59 |
| 15 | დისტანციური ღილაკი                  | ცალი      | 1 | 60.52  |
| 16 | კარის ქვედა მიმმართველი გორგოლაჭი   | ცალი      | 1 | 30.26  |
| 17 | კარის ზედა მიმმართველი გორგოლაჭი    | ცალი      | 1 | 30.26  |
| 18 | კარის სავალი ბილიკი                 | მეტრი     | 1 | 50.73  |

**ტურნიკეტი OZAKI / TURNSTILE T345**

|   |                              |      |   |         |
|---|------------------------------|------|---|---------|
| 1 | მართვის პლატა                | ცალი | 1 | 1024.39 |
| 2 | ელექტრომაგნიტი               | ცალი | 1 | 117.48  |
| 3 | ბრუნვის შესრულების დეტექტორი | ცალი | 1 | 227.84  |
| 4 | მართვის პულტის ღილაკი        | ცალი | 1 | 9.79    |
| 5 | კვების ბლოკი 24 ვ.           | ცალი | 1 | 131.72  |
| 6 | კვების ბლოკი სამუხტით        | ცალი | 1 | 82.77   |
| 7 | აკუმულატორი 7ა/სთ            | ცალი | 1 | 59.63   |

**ტურნიკეტი CAME PST002**

|    |                                            |           |   |        |
|----|--------------------------------------------|-----------|---|--------|
| 1  | მართვის პლატა                              | ცალი      | 1 | 847.28 |
| 2  | ელექტრომაგნიტი                             | ცალი      | 1 | 159.31 |
| 3  | ბრუნვის შესრულების დეტექტორი               | ცალი      | 1 | 87.22  |
| 4  | ჰიდრავლიკური ამორტიზატორი                  | ცალი      | 1 | 428.98 |
| 5  | ბრუნვის შემსრულებელი გრძელი ზამბარები      | კომპლექტი | 1 | 46.28  |
| 6  | ჩამკეტი ზამბარები                          | კომპლექტი | 1 | 50.73  |
| 7  | დისპლეი                                    | ცალი      | 1 | 265.22 |
| 8  | მართვის პულტის ღილაკი                      | ცალი      | 1 | 10.68  |
| 9  | კვების ბლოკი 24 ვ.                         | ცალი      | 1 | 137.06 |
| 10 | ბარათის წამკითხველის კვების ბლოკი სამუხტით | ცალი      | 1 | 83.66  |
| 11 | აკუმულიატორი 7ა/სთ                         | ცალი      | 1 | 60.52  |

**ტურნიკეტი CAME E-VING**

|   |                       |      |   |        |
|---|-----------------------|------|---|--------|
| 1 | ძრავი რედუქტორით      | ცალი | 1 | 127.27 |
| 2 | კვების ბლოკი          | ცალი | 1 | 129.94 |
| 3 | აკუმულიატორი 18 ა/სთ  | ცალი | 1 | 179.78 |
| 4 | მართვის პლატა         | ცალი | 1 | 154.86 |
| 6 | კვების ბლოკი სამუხტით | ცალი | 1 | 82.77  |
| 7 | აკუმულიატორი 7 ა/სთ   | ცალი | 1 | 59.63  |

**შუშის სლაიდ კარი**

|    |                                                       |           |   |         |
|----|-------------------------------------------------------|-----------|---|---------|
| 1  | მართვის პლატა (თავსებადი არსებულ კარებთან)            | ცალი      | 1 | 1318.09 |
| 2  | ძრავის რედუქტორი (თავსებადი არსებულ კარებთან)         | ცალი      | 1 | 1318.09 |
| 3  | შემაერთებელი მოდული (თავსებადი არსებულ კარებთან)      | ცალი      | 1 | 149.52  |
| 4  | ღვედის დამჭიმი (თავსებადი არსებულ კარებთან)           | ცალი      | 1 | 149.52  |
| 5  | ღვედი (თავსებადი არსებულ კარებთან)                    | მეტრი     | 1 | 60.52   |
| 6  | მართვის პულტი (თავსებადი არსებულ კარებთან)            | ცალი      | 1 | 315.06  |
| 7  | რადარი (თავსებადი არსებულ კარებთან)                   | ცალი      | 1 | 325.74  |
| 8  | ფოტელემენტების კომპლექტი (თავსებადი არსებულ კარებთან) | კომპლექტი | 1 | 324.85  |
| 9  | გორგოლაჭების კომპლექტი (თავსებადი არსებულ კარებთან)   | კომპლექტი | 1 | 317.73  |
| 10 | ღილაკი                                                | ცალი      | 1 | 26.7    |
| 11 | შუშის სლაიდ კარის გორგოლაჭი                           | ცალი      | 1 | 80.1    |

**მეტალო დეტექტორი CEIA HIPE/PNZ**

|   |                          |      |   |     |
|---|--------------------------|------|---|-----|
| 1 | კვების ბლოკი (თავსებადი) | ცალი | 1 | 445 |
|---|--------------------------|------|---|-----|

**სხვა დამატებითი მომსახურება**

|   |                                                                                                   |      |   |        |
|---|---------------------------------------------------------------------------------------------------|------|---|--------|
| 1 | არსებული ტურნიკეტის დემონტაჟი                                                                     | ცალი | 1 | 68.53  |
| 2 | არსებული ტურნიკეტის მონტაჟი                                                                       | ცალი | 1 | 142.4  |
| 3 | არსებული შლაგბაუმის დემონტაჟი                                                                     | ცალი | 1 | 68.53  |
| 4 | არსებული შლაგბაუმის მონტაჟი (სადირკვლის მოწყობა და სხვა დამატების სამუშაოს ჩატარების გარეშე)      | ცალი | 1 | 68.53  |
| 5 | არსებული შლაგბაუმის ახალ ადგილზე მონტაჟი (სადირკვლის მოწყობა და ყველა თანმდევი სამუშაოს ჩატარება) | ცალი | 1 | 414.74 |
| 6 | კარის ელექტრო საკეტის კვების ბლოკის (12V-30A.) შეცვლა - ექსპლუატაციაში გაშვება                    | ცალი | 1 | 201.14 |
| 7 | კარის ელექტრო მაგნიტური საკეტის მონტაჟი - ექსპლუატაციაში გაშვება                                  | ცალი | 1 | 210.04 |
| 8 | მინის სლაიდ კარის არსებული გამღები მექანიზმის დემონტაჟი-მონტაჟი-ინსტალაცია                        | ცალი | 1 | 691.53 |

**დეტალების ღირებულების ჯამი (პრეისკურანტი)**

**25645.35**

| № | სამუშაოს დასახელება               | მისამართი                          | მწარმოებელი | პრეტენდენტის მიერ შემოთავაზებული ერთეულის ღირებულება (ლარი) |
|---|-----------------------------------|------------------------------------|-------------|-------------------------------------------------------------|
| 1 | ტრიპოდული ტურნიკეტის მომსახურება  | ქ. თბილისი, ვაჟა-ფშაველას გამზ №72 | CAME        | 45.39                                                       |
|   |                                   |                                    | OZAK        | 45.39                                                       |
| 2 | ორ ფრთიანი ტურნიკეტის მომსახურება | ქ. თბილისი, ვაჟა-ფშაველას გამზ №72 | CAME E-VING | 45.39                                                       |
| 3 | მეტალოდეტექტორის მომსახურება      | ქ. თბილისი, ვაჟა-ფშაველას გამზ №72 | CEIA        | 45.39                                                       |
| 4 | შლაგბაუმის მომსახურება            | ქ. თბილისი, ვაჟა-ფშაველას გამზ №72 | CAME        | 45.39                                                       |
|   |                                   |                                    | MOTORLINE   | 45.39                                                       |
| 5 | ტრიპოდული ტურნიკეტის მომსახურება  | ქ. თბილისი, 9 აპრილის ქ. №4        | CAME        | 45.39                                                       |
|   |                                   |                                    | OZAK        | 45.39                                                       |

|                                                     |                                                                                               |                                             |                   |                 |
|-----------------------------------------------------|-----------------------------------------------------------------------------------------------|---------------------------------------------|-------------------|-----------------|
| 6                                                   | გვერდზე გასაგორებელი<br>ერთფრთიანი რკინის ჭიშკრის<br>ელექტრო-მექანიკური ძრავის<br>მომსახურება | ქ. თბილისი, ზემო<br>ფონიჭალა<br>(შავნაბადა) | CAME              | 72.98           |
| 7                                                   | გვერდზე გასაგორებელი<br>ერთფრთიანი რკინის ჭიშკრის<br>ელექტრო-მექანიკური ძრავის<br>მომსახურება | ქ. თბილისი,<br>ჭირნახულის ქ. №10            | MOTORLINE         | 72.98           |
| 8                                                   | გვერდზე გასაგორებელი<br>ერთფრთიანი რკინის ჭიშკრის<br>ელექტრო-მექანიკური ძრავის<br>მომსახურება | გარდაბანის რაიონი<br>სოფელი მარტყოფი        | MOTORLINE         | 72.98           |
| 9                                                   | გვერდზე გასაგორებელი<br>ერთფრთიანი რკინის ჭიშკრის<br>ელექტრო-მექანიკური ძრავის<br>მომსახურება | ქ. მცხეთა,<br>სამხედროს ქ. №27              | CAME              | 72.98           |
| 10                                                  | ტრიპოდული ტურნიკეტის<br>მომსახურება                                                           | ქ. ბათუმი,<br>გრიბოედოვის ქ. №4             | TURNSTILE<br>T345 | 109.47          |
| 11                                                  | გვერდზე გასაგორებელი<br>ერთფრთიანი რკინის ჭიშკრის<br>ელექტრო-მექანიკური ძრავის<br>მომსახურება | ქ. ბათუმი,<br>გრიბოედოვის ქ. №4             | CAME              | 137.06          |
| 12                                                  | შუშის სლაიდ კარის<br>მომსახურება                                                              | ქ. თბილისი, ვაჟა-<br>ფშაველას გამზ №72      |                   | 64.08           |
| <b>მომსახურების ღირებულების ჯამი (პრეისკურანტი)</b> |                                                                                               |                                             |                   | <b>965.65</b>   |
| <b>ჯამური ღირებულება (პრეისკურანტი)</b>             |                                                                                               |                                             |                   | <b>26611.00</b> |

## მომსახურების პირობები

სახელმწიფო უსაფრთხოების სამსახურის ობიექტებზე არსებული შლაგბაუმების, ტურნიკეტების, მეტალო დეტექტორების, გვერდზე გასაგორებელი ერთფრთიანი რკინის ჭიშკრების ელექტრო-მექანიკური ძრავებისა და შუშის სლაიდ კარების მომსახურების და დაზიანების შემთხვევაში დეტალების შეცვლის პირობები:

- მომსახურება ითვალისწინებს, არანაკლებ თვეში ერთჯერ ტექნიკურ დათვალიერებას;
- მომსახურება ითვალისწინებს პროფილაქტიკური სამუშაოების ჩატარებას და დაზიანების შემთხვევაში, გაუმართაობის აღმოფხვრას ან/და პრეისკურანტში მითითებული დაზიანებული დეტალის ახლით შეცვლას, გამომახებიდან 24 საათში, კვირის ნებისმიერ დღეს (შაბათ-კვირის ჩათვლით);
- მომსახურე ფირმას უნდა შეეძლოს ერთდროულად მინიმუმ 2(ორი) გეოგრაფიულად დაშორებულ ობიექტზე (საქართველოს მასშტაბით) ჩაატაროს სარემონტო სამუშაოები;
- შემსრულებელმა შეცვლილი დეტალები უნდა დატოვოს ობიექტზე, შესაბამის უფლებამოსილ პირთან;
- მომსახურება უნდა განხორციელდეს ფასთა ცხრილში ჩამოთვლილ, სახელმწიფო უსაფრთხოების სამსახურის ობიექტებზე;
- სხვა დამატებითი მომსახურება უნდა მოიცავდეს დასამონტაჟებლად აუცილებელი ყველა სამუშაოს ჩატარებას (სადირკველის მოწყობას, ასფალტირებული ან ბეტონირებული საფარის ამოჭრას ფრეზის მეშვეობით (მაქსიმუმ 10 მეტრი), გრუნტის ამოთხრას, გოფირებული მილის ჩადებას, სადირკველის და გოფირებული მილის ტრასის ბეტონირებას, მკვებავი და ქსელის კაბელის მიყვანას და ა.შ.);
- მომსახურება უნდა განხორციელდეს შესაბამისი კვალიფიკაციის მქონე სპეციალისტების მიერ;
- სპეციალისტი აღჭურვილი უნდა იყოს ყველა საჭირო ხელსაწყოთი;
- მუშაობის დროს დაცული უნდა იყოს უსაფრთხოების ნორმები;
- მომწოდებელმა სამუშაოების წარმოებისას დაუდევრობის შედეგად მიყენებული ზიანი უნდა აღმოფხვრას საკუთარი ხარჯებით;
- მომსახურების გაწევის დროს შემსრულებელმა უნდა შეადგინოს მიღება ჩაბარების შუალედური აქტი, ობიექტზე უფლებამოსილ პირთან;
- შესყიდვის ღირებულება უნდა მოიცავდეს ფასთა ცხრილში ჩამოთვლილ, სახელმწიფო უსაფრთხოების სამსახურის ობიექტებზე, სამუშაოების ჩასატარებლად ტრანსპორტირების ხარჯსა და საქართველოს კანონმდებლობით გათვალისწინებულ ყველა გადასახადს.

### შემსყიდველი

სახელმწიფო უსაფრთხოების სამსახურის  
ეკონომიკური დეპარტამენტის დირექტორი

სერგო ჯანელიძე

### მიმწოდებელი

შპს „სოფტმასტერ სერვისის“  
დირექტორი

ალექსანდრე ჭიპაშვილი